

## TAAREQE HIFAAZAT QURAAAN MAJEED

Disclaimer:

Arshad Basheer madani ke urdu books ko Roman English mai lane wale ahbab Mubarakbadi ke mustahiq hai ke unoun ne asan kia urdu reading Na janne Waloun ke liye

الحمد لله

فجزاكم الله خيرا

Note : arshad basheer madani ne Word to Word check nahi kia Kiunke bohot books ko roman Kia gaya un sab ko Check karna asan nahi, time ka commitment deegar Urdu books Aur syllabus par laga huva hai is liye badi mazirat ke sat arz hai ke jahan kahin apko pronunciation ya talaffuz mai Diqqat lage Urdu Janne Waloun se asal Kitab ki taraf rujoo farmaen in sha Allaah in sha Allaah

Askislampedia ki Team ka shukriya ke Roman mai book lane mai madad faramee

Khas tour se

Riaz bhai , shaikh abdullah Umeri, faheem iqbal , Mushtaq ahmed Aur baz sisters bhi hain jo madad kie Aur kuch brothers bhi madad kie Likin ijazat nahi hai ke unka naam zikr Kia jae Allaah qabool farmae sab ki mahant

\*\*\*\*\*

Ameen

Shukriya

Shoba e nashro ishaat,

Askislampedia

Quraan Majeed Allah Rabbul Aalameen ka vo moujazana kalaam hai jo khaatamul Ambiya Muhammad ﷺ par Jibrayeel Ameen ke vaaste se naazil hua, jo musaahaf me maktoob hai aur **tavaatar** ke saath hamare paas chala aa raha hai, jiski tilaavat karna ibaadat hai aur jiska aaghaaz soorah Fatiha se aur ikhtetaam soorah Naas par hota hai.

## FEHRIST

1. QURAAAN
2. HADEES

1. QURAAAN

Farmaan Baari Taalaa hai : Hamne hi is Quraan ko naazil farmaaya hai aur ham hi iske muhaafiz hai. **(Al Hajar:9)**

Irshaad Baari Taala hai : Jin logo ne apne paas Quraan pahuch jaane ke baavajood is se kufr kiya (vo bhi ham se posheeda nahi) ye badi baa vaakhiyat kitaab hai, jiske paas baatil phatak bhi nahi sakta na uske aage se na uske peeche se, ye hai naazil karda hikmato vaale khoobiyo vaale (Allah) ki taraf se hai. **(Fussilat:41,42)**

Imam ibne kaseer rahimahullaah kahte hai : Imam Zahaak, Saadi aur Khatada rahimahumullaah ne yaha zikar se muraad "Quraan" liya hai, vo ba izzat ba touqeer hai, iske misl kisi ka kalaam nahi, Iske aage peeche se yaani kisi taraf se baatil mil nahi sakta, ye Rabbul Aalameen ki taraf se naazil shuda hai, jo apne aqvaal aur af'aal me hakeem hai, iske tamaam hukum aur ahkaam behatareen anjaam vaale hai. **(Tafseer ibne Kaseer:183/7)**

Allah taala ka irshaad hai : Teri jaanib jo tere Rab ki kitaab vahi ki gayi hai ise padhta rah, iski baato ko koyi badalne vaala nahi, to iske siva hargiz hargiz koyi panaah ki jagah na paayega. **(Al Kahaf:27)**

Imam ibne Kaseer rahimahullah farmaate hai : Allah Taala apne Rasoolﷺ ko apne kalaam ki tilaavat aur uski tableegh ki hidayat karta hai, uske kalimaat ko na koyi badal sakta hai, na taal sakta hai, na idhar udhar kar sakta hai, samajh lo ke iske siva koyi jaaye panaah nahi. **(Tafseer ibne Kaseer:115/5)**

Allah Taala ka irshaad hai : Is se pahle to aap koyi kitaab padhte na the aur na kisi kitaab ko apne haath se likhte the, ke ye baatil parast log shak va shuba me padte, balke ye (Quraan) to roushan aayate hai jo ahle ilm ke seeno me mahfooz hai, hamari aayato ka munkar bajuz zaalimo ke aur koyi nahi. **(Ankaboot:48,49)**

## 2. HADEES

Ayaaz bin hamaar majaashi raziallaahu anhu se rivayat hai ke Rasoolullah ﷺ ne ek din khutba me irshaad farmaaya : Suno mere Rab ne mujhe ye hukum farmaaya hai ke mai to logo ko vo baate sikha doo ke jin baato se tum laa ilm ho ..... mere Rab ne farmaya : Maine Muhammad ﷺ par aisi kitaab naazil ki hai ke jise paani nahi dho sakega aur tum is kitaab ko sone aur bedaari ki haalat me bhi pad sakoge..... **(Sahi Muslim:2865)**